



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1719. usque ad annum 1720

Fleury, Claude

August. Vind. [u.a.], 1782

VD18 13322648

§. 56. Sacrarum Congregationum Romanarum decreta.

[urn:nbn:de:hbz:466:1-67659](https://nbn-resolving.org/urn:nbn:de:hbz:466:1-67659)

„locis observari, & in morem induci
 „studeas. In eodem libello perspicias
 „insuper sacras indulgentias, quæ ubi-
 „que gentium non modo idem Innocen-
 „tius, sed & alii Romani Pontifices
 „Prædecessores nostri, benigne con-
 „cesserunt universis utriusque sexus
 „Christifidelibus, qui ea occasione sa-
 „cratissimum hæc salutis nostræ pignus
 „personaliter comitati fuerint, vel ce-
 „reas faces per alios deferendas mise-
 „rint. Quamobrem Tuæ spectatæ
 „pietatis erit satagere, ut prædictæ In-
 „dulgentiæ quamprimum omnibus an-
 „nuntientur, & palam fiant, cum ab
 „hujusmodi promulgatione non leve
 „incitamentum fidei populo afferri
 „possit ad ea libentius exhibenda fre-
 „quentiæ, cultus ac Religionis obsequia,
 „quæ divinissimo Sacramento debentur,
 „quæque Nos & summo communi studio
 „promovere tenemur &c.”

Sæc. XVIII.
 A. C. 1720.

§. LVI.

*Sacrarum Congregationum Romana-
 rum decreta.*

His Papæ epistolis adjungere placet
 paucas sacrarum Congregationum
 decisiones & quidem S. Rituum Con-
 gregatio annuente Clemente XI. Papa
 die tertia Februarii ad preces Jacobi III.

*Bull. Clem.
 XI. part. 3.
 Const. 29.
 pag. 576.
 Decis.
 SS. Congr.
 An-Rit. Offic.*

A a a 2

Sæc. XVIII. Angliæ Regis declaravit, quod officium
 A. C. 1720. S. Anselmi Archiepiscopi Cantuariensis &
Angliæ Primatis, alias sub ritu semidup-
 plici de præcepto die vigesima prima Apri-
 lis pro Ecclesia universali recitari conce-
 sum, in posterum ab omnibus Christianis
 tam secularibus quam Regularibus, qui
 ad horas Canonicas tenentur, sub ritu
 duplici celebrari debeat, ponendo in utri-
 que vespere Antiphonam o doctor optime
 &c. & in ejus Missa, quæ incipit: in
 medio Ecclesiæ, dicatur etiam credo.

Eadem Congregatio die vigesima
 septima Julii indulgit, officium sancti
 Georgii Martyris sacri Ordinis Constian-
 tiniani Titularis, cum lectionibus eidem
 propriis pro secundo Nocturno jam appro-
 batis, & omnibus Ecclesiasticis, tam præ-
 fato Ordini adscriptis, quam omnibus aliis
 inservientibus, sive Ecclesiæ conventuali
 vulgo nuncupatæ della Steccata Civitatis
 Parmensis, sive aliis ejusdem Ordinis Ec-
 clesiis ubicunque existentibus, qui ad horas
 Canonicas tenentur, sub ritu duplici pri-
 mæ classis cum octava in posterum recitari,
 & Missam de communi respective celebrari
 posse.

Idem quoque Pontifex ad Franciscum
 Parmæ Ducis preces die decima quinta
 Junii præfatam Ecclesiam visitantibus
 perpetuam indulgentiam plenariam
 concessit. Missam vero propriam de
 S. The-

S. Theresia Virgine approbavit, necnon Sæc. XVIII.
illam in Ecclesiis Ordinis Carmelita- A. C. 1720.
rum Excalceatorum ubicunque existen-
tibus, etiam a Sacerdotibus ad eos
confluentibus celebrari posse indulfit,
eamque in Missali ipsius Ordinis apponi
voluit Congregatio Rituum annuente
Clemente XI. sub die 31. ejusdem Julii
& Anni 1720.

Cum jam Anno 1702. die vigesima
sexta Augusti ad dubium: *an sententia
de cultu immemorabili B. Peregrini Latiosi
Ordinis Servorum B. V. sit confirmanda,*
S. Rituum Congregatio affirmando re-
sponderit, hocque judicium Clem. XI.
confirmarit, hac die vigesima tertia
Augusti hujus anni idem Pontifex au-
ditis Consultorum suffragiis, post gra-
vem maturamque deliberationem de-
claravit: De Virtutibus ejusdem Beati
tam Theologicis quam Cardinalibus,
iisque annexis ita constare, ut tuto
procedi possit ad discussionem mira-
culorum &c.

Die autem decima quarta Februarii
Sacra Indulgentiarum Congregatio
summarium Indulgentiarum pro con-
fraternitate Domus B. V. de Victoria
Ulyssipone impressum, necnon alium
libellum Papiæ editum seu compen-
dium Regulæ Tertii Ordinis S. Fran-
cisci, utpote indulgentias falsas, apo-

Sæc. XVIII cryphas, & a Sede Apostolica revocatas continentes libellos prohibuit, illorumque usum sub pœnis in Indice librorum prohibitorum contentis interdixit.

§. LVII.

Principum atque Illustrum obitus.

Vit. & Virt.
Eleon. Hist.
Univ. t. 8.
pag. 529.

Inter Principes hoc anno denotatos ob virtutum præstantiam, & vitæ sanctitatem principem sibi locum vendicat Eleonora Magdalena Theresia ex Philippo Guiljelmo Neoburgico Duce & Elisabetha Amalia Hasso - Darmstadiensi Landgravia Düsselдорpii die sextæ Januarii 1655. nata. Hæc a teneris inter virtutum exercitia, ac rerum Divinarum commentationes adolevit, & singulari humilitate, pietate in Deum, liberalitate in pauperes, necnon orationis lectionisque assiduitate, illustrium suorum Parentum non modo spem. sed vota quamvis fervida & magna superavit: Adolescentula jam majora meditari, & supra mortales seleturas attollere, humana contemnere, & sese ad æterna erigere cæperat, suasque delicias in frequenti corporis maceratione, & crebro cum Theresianis Sanctimonialibus, a quibus non Principis